



Broj: 01/04-23-5520-3/19
Sarajevo, 04.10.2019. godine

Bosna i Hercegovina-Federacija Bosne i Hercegov.
Kanton Sarajeva - GRAD SARAJEVO
GRADSKO VIJEĆE

PRIMLJENO:		09-10-2019	
Općina:	Saraj	Hitnost:	Urgentnost
01-05-05-1037/19		J8	

GRADSKO VIJEĆE GRADA SARAJEVA
N/r Igor dr. Gavrić, predsjedavajući

Predmet: Dostava Žalbe pravnog lica „Plakat“ d.o.o. Sarajevo na nadležno postupanje

Poštovani,

U skladu sa članom 235. Zakona o upravnom postupku ("Službene novine Federacije Bosne i Hercegovine", br. 2/98 i 48/99), gradonačelnik Grada Sarajeva, kao prvostepeni organ, dostavlja žalbu pravnog lica „Plakat“ d.o.o. Sarajevo broj: 45/19 od 30.09.2019. godine, na dalje postupanje drugostepenom organu, Komisiji za drugostepeno upravno rješavanje Gradskog vijeća Grada Sarajeva.

Žalba je blagovremena, dopuštena i izjavljena od ovlaštenog lica.

Žalba je izjavljena na Rješenje broj: 01/04-23-5520-2/19 od 28.08.2019. godine kojim je odbijen zahtjev pravnog lica »Plakat« d.o.o. Sarajevo za postavljanje reklamne vitrine na lokaciji lijeve obale rijeke Dobrinje nizvodno od Dobrinjskog II mosta (zona II).

Predmetno Rješenje je uručeno je pravnom licu dana 16.09.2019. godine, a Žalba je zaprimljena na protokol Grada Sarajeva dana 30.09.2019. godine.

Izjavljena Žalba nije taskirana u skladu sa poukom o pravnom lijeku!

U Žalbi se traži ponovno razmatranje zahtjeva za produženje rješenja za postavljanje reklamne vitrine na lijevoj obali rijeke Dobrinje kod Dobrinjskog II mosta. U žalbi se navodi da je pravno lice »Plakat« d.o.o. Sarajevo u periodu od proteklih godinu dana uredno plaćalo zakup lokacije iako reklamna vitrina nije bila postavljena. Razlog za ne postavljanje reklamne vitrine je bio nedostatak istih čija isporuka se očekuje uskoro. Žalbom se dalje navodi da je potrebno izvršiti uklanjanje reklamnog panoa postavljenog na predmetnu lokaciju u periodu važenja prethodnog rješenja i za koju je »Plakat« d.o.o. Sarajevo plaćao zakup.

Ožalbenim Rješenjem odbijen je zahtjev pravnog lica „Plakat“ d.o.o. Sarajevo za postavljanje reklamne vitrine. Prilikom donošenja Rješenja Gradonačelnik je uvažio stav Komisije iz Izvještaja po zahtjevu „Plakat“ d.o.o. Sarajevo za donošenje Rješenja o odobravanju postavljanja jednostrane reklamne vitrine na lokaciji lijeve obale nizvodno od



Dobrinjskog II mosta broj: 08-05-5520-1/19 od 21.08.2019. godine. U Izvještaju je navedeno da je Komisija uvidom na licu mjesta konstatovala da na predmetnoj lokaciji nije zatečena reklamna vitrina ali da se tu nalazi reklamni pano drugog pravnog lica iz kojeg razloga se za traženu mikrolokaciju (1,50m sa zapadne strane i 0,5m sa južne strane trotoara) **ne može dati pozitivno mišljenje** za postavljanje reklamne vitrine.

Što se tiče prijedloga za uklanjanje postojećeg reklamnog panoa, Grad Sarajevo nije nadležan za njegovo uklanjanje. Uvidom u dokumentaciju kojom raspolažemo utvrđeno je da reklamni pano na lokaciji lijeve obale rijeke Dobrinje kod mosta Dobrinja II ima saglasnost Grada Sarajeva za korištenje priobalnog pojasa rijeke Dobrinje.

Ističemo da Grad Sarajevo donosi rješenja kojima se daje saglasnost za korištenje korita, obala i priobalnih pojaseva rijeka u nadležnosti Grada Sarajeva u svrhu postavljanja reklamnih panoa u kojima se ne navodi tačna mikrolokacija postavljanja. Postavljanje reklamnih panoa se vrši nakon pribavljanja potrebnih saglasnosti od strane nadležnih općina odnosno Zavoda za izgradnju Kantona Sarajevo, kako je to i navedeno u svim rješenjima Grada Sarajeva.

Sve radnje u postupku su provedene u skladu sa Zakonom o upravnom postupku, iz kog razloga predlažem da se žalba pravnog lica „Plakat“ d.o.o. Sarajevo odbije kao **neosnovana i potvrdi prvostepeno rješenje.**



U prilogu:

- Žalba broj: 45/19 od 26.09.2019. godine
- Zahtjev za produženje Rješenja o odobravanju postavljanja reklamne vitrine broj: 24/19 od 15.08.2019. godine

Dostaviti:

- Naslovu
- a/a

BOSNA I HERCEGOVINA
Federacija Bosne i Hercegovine
Kanton Sarajevo
GRAD SARAJEVO
GRADSKA UPRAVA

Dana: 26.09.2019.

04/N
(5520)

30 -09- 2019

Dokument br. 45/19

Bosna i Hercegovina-Federacija Bosne i Hercegovine
Kanton Sarajevo
GRADONAČELNIK

Predmet: ŽALBA

PRIMLJENO: 30-09-2019			
Organizaciona jedinica	Klasifikaciona oznaka	Redni broj	Broj priloga
04	23	5520	

Poštovani,

Molimo Vas da ponovo razmotrite produžetak rješenja za postavku reklamne vitrine na lijevoj obali rijeke Dobrinje od Dobrinjskog II mosta .
Za navedenu lokaciju mi uredno plaćamo zakup u mada isti nije postavljen iz razloga što čekamo isporuku novih vitrina .
Billboard koji je postavljen treba ukloniti jer ne može stajati na lokaciji koja već ima zakupca, postavljen je u periodu važenja prethodnog rješenja za kojeg smo mi uredno platili zakup.

U prilogu dokumentacija

S poštovanjem,

Husein TITORIĆ
Direktor
PLAKAT d.o.o.
+ 387 33 511 218
e-mail: plakatdoo@gmail.com

Potpis: _____





Broj: 01/04-23-5520-2/18
Sarajevo, 28.08.2019. godine

Na osnovu člana 6. Odluke o korištenju, održavanju i čuvanju uređenih korita i obala vodotoka na području Grada Sarajeva ("Službene novine Kantona Sarajevo", broj 2/07), člana 200. Zakona o upravnom postupku ("Službene novine Federacije Bosne i Hercegovine", br. 2/98 i 48/99) i u skladu sa Izvještajem po zahtjevu Plakat d.o.o. Sarajevo za donošenje Rješenja o odobravanju postavljanja jednostrane reklamne vitrine na lokaciji lijeve obale nizvodno od Dobrinjskog II mosta (zona II), a rješavajući po zahtjevu pravnog lica »Plakat« d.o.o. Sarajevo za izdavanje odobrenja za korištenje priobalnog pojasa rijeke Dobrinje u svrhu postavljanja reklamne vitrine - city postera broj: 04-23-5520/19 od 16.08.2019. godine, gradonačelnik Grada Sarajeva, donosi:

RJEŠENJE o odbijanju zahtjeva za postavljanja reklamne vitrine

Odbija se zahtjev pravnog lica »Plakat« d.o.o. Sarajevo za korištenje priobalnog pojasa rijeke Dobrinje u svrhu postavljanja jedne jednostrane reklamne vitrine na lokaciji lijeve obale rijeke Dobrinje nizvodno od Dobrinjskog II mosta (zona II).

Obrazloženje:

Pravno lice »Plakat« d.o.o. Sarajevo podnijelo je Gradskoj upravi Grada Sarajeva molbu kojom se traži odobrenje produžetka Rjesenja o odobravanju postavljanja reklamne vitrine broj: 01/04-23-4151-2/18 na sljedećih 12 mjeseci. Reklamna vitrina je dimenzije 1,02x1,52 metra, jednostrano, druga strana se ne vidi i neće biti u upotrebi.


Na osnovu Zahtjeva navedenog pravnog lica izvršen je obilazak terena od strane stručnih lica Grada Sarajeva i sačinjen Izvještaj po zahtjevu Plakat d.o.o. Sarajevo za donošenje Rješenja o odobravanju postavljanja jednostrane reklamne vitrine na lokaciji lijeve obale nizvodno od Dobrinjskog II mosta (zona II) u kojem je konstatovano da na lokaciji lijeve obale rijeke Dobrinje nizvodno od Dobrinjskog II mosta (zona II) nije zatečena reklamna vitrina, ali postoji reklamni pano drugog pravnog lica, te se za traženu mikrolokaciju (pozicija 1,50m od mosta sa zapadne strane i 0,50m sa južne strane od ivice trotoara) ne može dati pozitivno mišljenje za postavljanje reklamne vitrine.

Uzimajući u obzir naprijed navedeno ocjenjeno je da se predmetnom zahtjevu ne može udovoljiti, te je rješeno kao u dispozitivu.

Pouka o pravnom lijeku:

Protiv ovog rješenja može se izjaviti žalba Komisiji za drugostepeno upravno rješavanje Gradskog vijeća Grada Sarajeva, putem gradonačelnika, u roku od 15 (petnaest) dana od dana prijema Rješenja, a ista se taksira sa 6 KM administrativne takse shodno odredbama Zakona o administrativnim taksama („Službene novine Kantona Sarajevo“, br. 30/01 - prečišćeni tekst, 22/02, 10/05, 26/08 i 23/16).





mr. Abdulah Skaka

Dostaviti:

- »Plakat« d.o.o. Sarajevo
ul. Put Famosa br. 38, 71210 Ilidža
- Gradska služba za inspekcijski nadzor
- Gradska služba za za urbano planiranje, investicije, stambene i komunalne poslove
- Gradska služba finansija
- evidencija

Broj: 08-05- 5520-1/19
Sarajevo, 21.08.2019.g.

IZVJEŠTAJ

Po zahtjevu Plakat d.o.o. Sarajevo za donošenje Rješenja o odobravanju postavljanja jednostrane reklamne vitrine na lokaciji lijeve obale nizvodno od Dobrinjskog II mosta (zona II)

Zahtjev broj: 24/19 od 15.08.2019.godine (broj protokola Grada Sarajeva: 04-23-5520 od 16.08.2019.g.), kojim se traži donošenje Rješenja o odobravanju postavljanja reklamne vitrine i to:

-Jednostrane reklamne vitrine na lokaciji lijeve obale nizvodno od Dobrinjskog II mosta (zona II)

Korištenje uređenih obala vodotoka rijeka za postavljanje reklamnih panoa daje se shodno Odluci o korištenju, održavanju i čuvanju uređenih korita i obala vodotoka na području grada Sarajeva („Službene novine Kantona Sarajevo“, broj 02/07) i Odluke o visini naknade i načinu plaćanja korištenja uređenih korita i obala na području grada Sarajeva za period do donošenja Elaborata o vodotocima, odnosno do kraja 2019.g. („Službene novine Kantona Sarajevo“, broj 12/19).


Stav komisije za postavljanje jednostrane reklamne vitrine na lijevoj obali nizvodno od Dobrinjskog II mosta (zona II) je sljedeći:

- Komisija je uvidom na licu mjesta konstatovala da na lokaciji lijeve obale rijeke Dobrinje nizvodno od Dobrinjskog II mosta (zona II) nije zatečena reklamna vitrina, ali postoji reklamni pano drugog pravnog lica, te se za traženu mikrolokaciju (pozicija 1,50m od mosta sa zapadne strane i 0,50m sa južne strane od ivice trotoara) ne može dati pozitivno mišljenje za postavljanje reklamne vitrine.

Napomena:

Na osnovu saglasnosti za korištenje uređene obale vodotoka, ne može se vršiti postavljanje reklamnih panoa. Postavljanje reklamnih panoa vrši se u skladu sa pribavljenim odobrenjima općine, u ovom slučaju Općine Novi Grad.

Fotografija postojećeg stanja na lokaciji lijeve obale nizvodno od Dobrinjskog II mosta



Izveštaj sačinili 21.08.2019.g.

Tarik Zečić, bcs uprave.....*T. Zečić*

Selma Bećiragić, dipl.ing.arh.....*Selma Bećiragić*

Amina Gačanović, dipl.ing.arh.....*Amina Gačanović*

BOSNA I HERCEGOVINA
Federacija Bosne i Hercegovine
Kanton Sarajevo
GRAD SARAJEVO
GRADSKA UPRAVA

Dana: 15.08.2019.

Bosna i Hercegovina-Federacija Bosne i Hercegovine
Kanton Sarajevo - GRAD SARAJEVO
GRADONAČELNIK

06/ku

16-08-2019

PRIMLJENO: 16-08-2019			
Organizaciona jedinica	Klasifikaciona oznaka	Redni broj	Broj priloga
04	23	5520	

Dokument br. 24/19

Predmet: Zahtjev za produženje Rješenja o odobravanju postavljanja reklamne vitrine broj:01/04-23-4151-2/18

Poštovani,

Molimo Vas da nam odobrite produžetak Rješenja o odobravanju postavljanja reklamne vitrine broj:01/04-23-4151-2/18, na sledećih 12 mjeseci


Reklamna vitrina je dimenzije 1,02x1,52 metra, jednostrano, druga strana se ne vidi i neće biti u upotrebi.

U prilogu dokumentacija (staro rješenje)

S poštovanjem,

Husein TITORIĆ
Direktor
PLAKAT d.o.o.
+ 387 33 511 218
e-mail: plakatdoo@gmail.com

Potpis: _____





Rješenje je pravosnažno
20.08.2018 god.

Broj: 01/04-23-4151-2/18
Sarajevo, 27.08.2018. godine

Na osnovu člana 6. Odluke o korištenju, održavanju i čuvanju uređenih korita i obala vodotoka na području Grada Sarajeva ("Službene novine Kantona Sarajevo", broj 2/07) i člana 200. Zakona o upravnom postupku ("Službene novine Federacije Bosne i Hercegovine", br. 2/98 i 48/99), rješavajući po zahtjevu pravnog lica »Plakat« d.o.o. Sarajevo, za izdavanje odobrenja za korištenje priobalnog pojasa rijeke Dobrinje u svrhu postavljanja reklamne vitrine - city postera broj: 08-23-4151/18 od 17.07.2018. godine, na prijedlog Gradske službe za urbano planiranje, investicije, stambene i komunalne poslove broj: 08-748/18 od 08.08.2018. godine i u skladu sa Izvještajem o radu komisije - „Plakat“ d.o.o. Sarajevo (postavljanje reklamnih vitrina) od 31.07.2018. godine, gradonačelnik Grada Sarajeva, donosi:

RJEŠENJE o odobravanju postavljanja reklamne vitrine

1. Ovim rješenjem odobrava se pravnom licu »Plakat« d.o.o. Sarajevo korištenje priobalnog pojasa rijeke Dobrinje u svrhu postavljanja **jedne dvostrane i mobilne reklamne vitrine sa temeljnom stopom koja je prenosiva**, lijeva obala nizvodno od Dobinjskog II mosta, u zoni II, pod uslovom da podnosilac zahtjeva, predhodno, pribavi saglasnost Zavoda za izgradnju Kantona Sarajevo.
2. Reklamna vitrina iz tačke 1. ovog rješenja je dimenzija 1,07m x 1,57m.
3. Obavezuje se podnosilac zahtjeva da izvrši postavljanje reklamne vitrine iz tačke 1. ovog rješenja **u skladu sa tačkom 2. i slikovnim prikazom mikrolokacije iz Izvještaja o radu komisije - „Plakat“ d.o.o. Sarajevo** (postavljanje reklamnih vitrina) od 31.07.2018. godine, koji je sastavni dio ovog rješenja, a nakon ispunjenja uslova iz tačke 1. ovog rješenja.
4. Podnosilac zahtjeva se obavezuje da na ime naknade za korištenje priobalnog pojasa rijeke Dobrinje za postavljanje reklamne vitrine iz tačke 1. ovog rješenja uplati iznos od **120,95 KM bez uračunatog PDV-a** u korist Grada Sarajeva, na račun broj: 1610000017920082 kod Raiffeisen bank d.d. Sarajevo, za održavanje i zaštitu uređenih korita i obala vodotoka.
Uplatu navedenog iznosa je potrebno izvršiti unaprijed za period važenja Rješenja na osnovu mjesečnih računa ispostavljenih najkasnije do 5.-tog u mjesecu, za predhodni mjesec.
5. Ovo rješenje važi 365 dana od dana pravosnažnosti rješenja.
6. Nakon isteka ovog rješenja korisnik se obavezuje prostor vratiti u prvobitno stanje i nadoknaditi sva eventualna oštećenja nastala prilikom montaže i demontaže reklamnih vitrina.



Obrazloženje:

Pravno lice »Plakat« d.o.o. Sarajevo podnijelo je Gradskoj službi za urbano planiranje, investicije, stambene i komunalne poslove zahtjev broj: 08-23-4151 od 17.07.2018. godine za izdavanje rješenja za korištenje priobalnog pojasa rijeke Dobrinje, u svrhu postavljanja jedne dvostrane reklamne vitrine na lokaciji lijeva obala nizvodno od Dobinjskog II mosta.

Na osnovu Zahtjeva »Plakat« d.o.o. Sarajevo izvršen je obilazak terena od strane stručnih lica Grada Sarajeva i sačinjen Izvještaj o radu komisije od 31.07.2018. godine, u kome je u tački 2. konstatovano da na predmetnoj lokaciji sa urbanističkog i saobraćajnog aspekta postavljanje dvostranog reklamnog panoa tipa city light (dim. 1,07m x 1,57m) bitno ne narušava vizure, ne zaklanja urbani pejzaž i ne ometa saobraćaj.

Također je konstatovano da na ovoj parceli postoji mogućnost za postavljanje reklamnog panoa na zelenu površinu, **uz uslov da se pribavi saglasnost Zavoda za izgradnju Kantona Sarajevo.**

Reklamni pano treba da bude mobilan, tj. da ima temeljnu stopu koja je prenosiva, a na koju se oslanja vitrina. Temeljna stopa treba biti položena na nivo terena, obzirom da nije dopušteno trajno zauzimanje površine, tj. nije dozvoljeno izljevanje temelja u tlo. Kod pozicioniranja, potrebno je da se reklamni pano postavi u skladu sa slikovnim prikazom iz Izvještaja o radu komisije, na udaljenosti od ivice trotoara cca 0,50m sa južne strane i cca 1,50m sa zapadne strane.

Rješavajući o predmetnom zahtjevu ocjenjeno je da se istom može udovoljiti, **ali isključivo u skladu sa predloženim rješenjem mikrolokacije, izgledom iz Izvještaja o radu komisije od 31.07.2018. godine i uz uslov da je pribavljena saglasnost Zavoda za izgradnju Kantona Sarajevo.**

U skladu sa odredbom člana 6. Odluke o korištenju, održavanju i čuvanju uređenih korita i obala vodotoka na području Grada Sarajeva rješeno kao u dispozitivu.

Visina naknade određena je u skladu sa odredbama Odluke o visini naknade i načinu plaćanja korištenja uređenih korita i obala vodotoka na području Grada Sarajeva za period do donošenja elaborata o vodotocima za 2018. godinu (»Službene novine Kantona Sarajevo«, broj 10/18).

Pouka o pravnom lijeku:

Protiv ovog rješenja može se izjaviti žalba Komisiji za drugostepeno upravno rješavanje Gradskog vijeća Grada Sarajeva, putem gradonačelnika, u roku od 15 (petnaest) dana od dana prijema Rješenja, a ista se taksira sa 6 KM administrativne takse shodno odredbama Zakona o administrativnim taksama („Službene novine Kantona Sarajevo“, br. 30/01 - prečišćeni tekst, 22/02, 10/05, 26/08 i 23/16).

Dostaviti:

- »Plakat« d.o.o. Sarajevo
ul. Put Famosa br. 38, 71 210 Ilidža
- Gradska služba za inspeksijski nadzor
- Gradska služba za za urbano planiranje, investicije, stambene i komunalne poslove
- Gradska služba finansija
- evidencija

